

# Naxa Sáchiñu Nə Vechiñu Tá Xíkun COVID-19

Míí nə vechiñu naní The Department of Children, Youth, and Families (DCYF) tiəa-nə tutu yó'o kǐí 27 yóo mayo, kuiya 2020. Nə vechiñu DCYF tíaa tuku-nə tutu yó'o tá íyo ka tu'un xíniñú'u-nə kachi-nə xí'in nə yuví. Átu íyo ka ñə'a kúni-ún kuntəə ini-ún, nə ka'vi-ún tutu internet [dcyf.wa.gov](https://dcyf.wa.gov).

Ná ntukuijn ku'e'e coronavirus naní COVID-19, ná sávikun-nə-ñə, ñəkán ntási yé'e ntisaá ve'e DCYF ra kóntakitá'án-nə xí'in nə yuví.

## Sa'má ntiáa nə yuví (PPE)

- Sa'má yó'o kúú sa'má nta'á, sa'má ntási yu'ú, tutu ntákasi-yó nuú sa'má-yó, sa'má xə'á, xí'in sa'má yu'ú.
- Ntəki'in nə DCYF sa'má ntiáa nə yuví (PPE) ra táxi-nə-ñə nta'á nə ntéé nuú kǐxi nə vǎlí xí'in nə sáchiñu xí'in DCYF átu kuvi kuyachin-nə nuú nə kú'vi ku'e'e COVID-19. Və'a xíni-ntu xíniñú'u-ntu ka sa'má ntiáa nə yuví (PPE) ra ntántukú-ntu ntáa xiyo ní'í ka-yó-ñə.

## Ve'e Nuú Chintieé Tá'án-nə Xí'in Nána Táta Nə Vǎlí

### Xító'ni Tá'án-nə Xí'in Nə Yuví Ve'e-nə

- Yóo marzo, nə DCYF kəchi-nə xí'in nə xító'ni tá'án xí'in nə yuví ve'e-nə ná kú'un ka-nə ve'e nə yuví ra və'a ka kə'an-nə xí'in-nə xí'in teléfono á computadora. Ntə kǐí 30 yóo junio kə'an nə yuví xí'in computadora. Íyo nə xító'ni tá'án xí'in nə yuví kə'an-nə xí'in computadora, á teléfono, á tiáa-nə xí'in correo electrónico á mensaje texto. Íyo nə xító'ni tá'án xí'in nə yuví táxi tóo-nə computadora nta'á nə yuví saá kuvi kə'an-nə xí'in-ñə, ra tá táxi-nə-ñə, kuyachin-nə nuú iinka nə yuví vikun ku'e'e-nə.
- Kəchi nə DCYF xí'in nə ntáki'in xú'un Home Visiting Service Account (HVSA) ná kú'un ka-nə ve'e nə yuví ntə kǐí 30 yóo junio.
  - Yóo ikán, cha'vi-nə DCYF ntisaá xú'un nta'á nə sáchiñu xí'in kuénta ikán, və'a ni səxinu-nə chiñu-nə.

### Early Support for Infants and Toddlers (ESIT)

- Nə sánə'a xí'in nə lée sáchiñu xí'in teléfono xí'in computadora ntə kǐí 30 yóo junio, ñəkán kuvi ntatú'un və'a-nə xí'in nə vǎlí ra vikun ku'e'e-nə.

## Nə Ntiáa Nə Vǎlí Tá Köntiáa Ñə'á Nána Táta-nə

### Teléfono Kuvi Kə'an Nə Yuví

- Ntisaá óra xí'in ntisaá kǐí kuvi kə'an nə yuví xí'in nə DCYF xí'in teléfono 1-866-363-4276 átu ntí'in ini-nə xə'á iin nə vǎlí.



### Xíto'ni Tá'án Nána Táta Xí'in Nə Váli Se'e-nə

- Tuku kixaá taxi nə DCYF ntakitá'án nə váli xí'in nána táta-nə ra tá xíkun kué'e COVID-19, taxi-nə sava ntakitá'án nə yuví ra sava ka'an-nə xí'in computadora.
- Xíniñú'u nə DCYF kuntiaa-nə ntikuíi nə váli, ñakán ku'un-nə nuú nə váli tá kuntəə ini-nə və'a ntiáa ña'á nána táta-nə á kani ña'á-nə á ke'é ña'á-nə.
- Nə DCYF kachi-nə xí'in nə sachiñu xí'in-nə ná kantixa-nə ñə ká'an nə vechiñu DOH ra ntakuntiee-nə ná sāvikun-nə kué'e ná və'a koo ntikuíi nə yuví.

### Ntiäyu Koo Nə Váli Ve'e Nə Yuví

- Nə vechiñu DCYF kachi-nə kuvi chintiee tá'án-nə xí'in nə ntiáa nə váli tá küvi kintəo-nə xí'in nána táta-nə átu küvi sá'a ña'á ntisaá ñə'a xíniñú'u-nə sá'a-nə ná koo ntiäyu koo nə váli ve'e-nə.
  - Átu u'vi sá'a-nə ntisaá ñə'a ká'an tu'un vechiñu Washington Administrative Code saá chi yánká kúu-ñə chi xíkun kué'e COVID-19 vichin, nə yuví ntiáa nə váli tá küvi kintəo-nə xí'in nána táta-nə kuvi ka'an-nə xí'in nə taxi-nə ntiäyu nta'a-nə ná kuntəə ini-nə nəxa kuvi kintəo ntiäyu xí'in-nə
  - Átu künj-ún kuntəə ini-ún nəxa kuvi kuntiaa-ún nə váli tá küvi kintəo-nə xí'in nána táta-nə, kuvi ka'an-ún xí'in teléfono 1-888-543-7414.
- DCYF kachi xí'in ntikuíi nə sachiñu xí'in-nə, ná kuyachin-nə nuú iinka nə yuví, ná sāvikun-nə kué'e, chi saá kachi mií vechiñu DOH xí'in nə gobernador.

### Tává-nə Nta'á Nə Yuví

Nə vechiñu DCYF sama-nə nəxa tává-nə nta'á nə yuví ntiáa nə váli tá küvi kintəo-nə xí'in nána táta-nə xí'in nə yuví sána'a-nə nə lée, vichin kama táxi-nə ntiäyu ná kuntiaa nə yuví nə váli tu tiáku ini-nə, ra nə yuví və'a köxíniñú'u-nə kuntatu-nə kuə'á kiji.

### Nuú Ntiáa-nə Nə Váli

- Küvi koo kuə'á ka 10 nə yuví iin kuárto ini ve'e nuú ntiáa-nə nə váli, ra nə yuví kúu nə lée xí'in nə váli xí'in nə chéé. Átu kuvi ntata'vi-nə ve'e, saá kuvi kintəo ka nə yuví.
- Nə sachiñu vetətan xí'in nə chintiee tá'án xí'in nə yuví (nə vetətan, nə chintiee xí'in nə vetətan, nə póli, nə ntə'və ñu'u, nə xíka xí'in carro xíkó-nə kú'vi, nə chintiee tá'án xí'in nə yuví) xíniñú'u-nə kuntiaa nə yuví nə váli se'e ña'á. Mií nə DCYF kachi və'a kuntiaa nə yuví nə váli se'e nə yuví ikán ra saá taxi kixəə iinka nə váli tá tu'un nə váli ntá'vi á iinka nə váli tá ká'an nə ñuu.
- Nə vechiñu DCYF táxi xú'un nta'á nə ntiáa nə váli chi saá ká'an tu'un vechiñu naní CARES Act. Kuvi ntukú nə ntiáa nə váli xú'un ikán tá kumaní kiji 30 yóó junio ra átu kama nti'i xú'un. Kuvi ntukú xú'un nuú tutu internet [wacompass.force.com/PP\\_LoginPage](https://wacompass.force.com/PP_LoginPage).



## Xǔ'un Chá'vi Nə Vechiñu Nə Yuví Ná Kuntiaa-nə Nə Váí

- Səma nə DCYF nəxa sáchiñu-nə ná kuvi ntukú nána táta nə váí ná kuntiaa nə yuví nə váí se'e ñá'á chi ǔ'vi kúú ntisaá ñá'a vichin.
  - Tá 12 yóó xíniñú'u-nə ntukú nə yuví ná chá'vi-nə vechiñu nuú nə ntiáa nə váí se'e-nə.
  - Tá kachi nə vechiñu xí'in nə yuví ná sákutú-nə tutu, xíniñú'u-nə sá'a-nə-ñə ra íyo ñá'a xíniñú'u-nə kachi-nə xí'in nə vechiñu.
  - Və'a ka ntakuiin-nə yu'ú nə vechiñu tá ká'an-nə, saá ntí'i xǔ'un chínta'á-nə nuú-nə ntiáa nə váí.
  - Yóó abril, mayo, xí'in junio, köxíniñú'u nə yuví chá'vi-nə xǔ'un nuú nə ntiáa nə váí se'e-nə á íyo kuénta-nə xí'in Working Connections Child Care. DCYF chá'vi ntisaá xǔ'un nuú nə ntiáa nə váí, xǔ'un chá'vi-nə xí'in xǔ'un kónicha'vi nə yuví

## Nə Ntiáa Nə Váí Xí'in Early Achievers

- Nə ntiáa nə váí xí'in Early Achievers kuvi ntaki'in-nə xǔ'un xə'á nəxa sákua'a-nə ra nəxa ntúvə'a-nə xí'in xǔ'un xə'á tá iin nə váí. Rə gobernador Inslee kachi köxíniñú'u nə yuví kama sákua'a-nə vichin ñəkán kuvi ntaki'in nə yuví xǔ'un ikán.

## Vekəə Nə Váí Naní Juvenile Rehabilitation (JR)

- DCYF taxi ká'an nə yuví xí'in computadora ra ntákitá'an-nə.
- Ntikuüi nə yuví sáchiñu vekəə nə váí xí'in ntikuüi nə yuví kǐ'vi ve'e ikán xíniñú'u-nə ntatú'un-nə xí'in nə vetətán tá kúmaní kǐ'vi-nə.
- Tá kúmaní kǐ'vi nə sáchiñu vekəə nə váí xí'in ntikuüi ka nə yuví chíntieé tá'an xí'in nə váí ntákátú'un-nə-nə á kuyachin-nə nuú iin nə kú'vi kue'e.
- Ntikuüi nə sáchiñu vekəə xí'in ntikuüi nə váí xí'in ka nə yuví xíniñú'u-nə nta'a-nə nta'á-nə tá kǐ'vi-nə ve'e.
- Tótóo ntákatia-ntu ve'e ra ntákatia və'a-ntu nuú xíka nə yuví.
- Tá kú'vi nə váí, xíniñú'u-nə ntíkun ntəə ká'an-nə xí'in nə sáchiñu vekəə.
- Átu kú'vi iin nə yuví, nə sáchiñu vekəə ká'an-nə xí'in nə vetətán ra saá ká'an-nə xí'in nə tá'an nə váí ikán.

## Kuvi Ká'an-ún Xí'in-ntu

Ná ka'vi-ún tutu internet ná kuntəə ini-ún nəxa kuvi ká'an-ún xí'in-ntu á ká'an-ún xí'in-ntu [dcyf.covid-19@dcyf.wa.gov](mailto:dcyf.covid-19@dcyf.wa.gov) á kûñi-ún ntakatú'un-ún ñá'a.

Átu kûñi-ún ka'vi-ún tutu yó'o xí'in iinka tu'un, ná ká'an-ún xí'in  
DCYF Constituent Relations (1-800-723-4831 | 360-902-8060, [ConstRelations@dcyf.wa.gov](mailto:ConstRelations@dcyf.wa.gov)).

DCYF PUBLICATION COMM\_0078 (05-29-2020) ENGLISH



Washington State Department of  
**CHILDREN, YOUTH & FAMILIES**